

QVÆSTIO MEDICA

IN PVBLICIS ANDIVM SCHOLIS DISCVTIENDA

DIE MARTIS DECIMA - SEPTIMA IANVARII HORA IX. MATVTINA.

M. MAVRICIO FROGER DOCTORE MEDICO MODERATORE.

An Dysenteria purgatio?

15.

INTESTINVM ventriculo continuatum, continuitate vnum, contrario situ dispositum, substantiâ & vsu multiplex, omne patitur morbi genus, simile, organicum & commune. Intemperiem quippe omnem, calidam, propter quam *θερμοκόλαιοι*, frigidam, vnde coeliaci dicuntur egrotantes; siccam, hædicarum febrium succedaneam; humidam, *ἀνεψίας* ventriculi sobolem. Organicum obstructionem, coardationem, compressionem, coalescentiam, subsidentiam, prolapsum & nodum intestini. Commune inflammationem & vlcus. Triplicem hanc affectionem contra naturam triplex sequitur symptoma, actio læta, ametria in excretis aut retentis, & affectus simplex. Ad ametriam in excretis pertinent alui profluvia, vt dysenteria quæ apprimè definitur cruenta & dolorifica deiectione ab intestinorum exulceratione, henteria, diarrhæa, coeliacus affectus & syntecticus fluor, sunt celeres ac immoderate alui fluxiones absque vlcere ac dolore.

DYSENTERIÆ quatuor species existunt. Prima quæ floridus sanguis per circuitus exigitur, *διαιτηρὰ* dicta, ephebis, mutilatis, plethoricis & otiosis familiaris. Secunda quæ sanguis aquosus loturæ carnum similis per intestina vacuatur, *ἡπατηρὰ*. Tertia fit ex melancholico & nigro sanguine. Quarta & vera iunctam habet intestinorum vlcerationem. Hanc qui committit humor ex corruptis cibis in ventriculo & intestinis generatur, aut aliunde sobolescit, vt pituita falsâ à cerebro, flaua bilis ab hepate cythique fellis, & atra bilis quæ abradendo & exasperando sedis & intestinorum vlcerifica esse solet, à toto venoso genere, vt in febribus continuis, ardentibus & malignis accidit. Bilis prouentum facit calidum temperamentum, victus & aer calefaciens. Pituita per austrinam tempestatem colligitur in cerebro, & per aquiloniam delabitur in aluum, atque dysenteriam suscitât. Demùm melancholicus humor autumnali tempore per prauam victus rationem, aut mentis ægriitudines in liene aut aliâ corporis parte congeritur, mox istam calamitatem inuecturus. Quandoque humor malignâ inficitur qualitate, vnde dysenteria epidemica grassatur quæ multos eodem temporeprehendit & interficit, hanc pestem affectumque *δυσήδνατος* esse dicas.

A his acribus & mordacibus humoribus abraditur primum mucus & adeps oblinens intestina, dein ipsorum superficies, postmodum interior membrana, vt tres sint dysenteriarum gradus, quorum vltimus confirmata censetur dysenteria. Vlcusis diagnostica signa sunt deiectiones frequentes, pauca, cruenta, saniosa, purulenta, fetida, dolorifica, ac tenelms. Ferè semper adest febris cum siti, vigilijs, capitis dolore, anxietate, atque, vbi maligna est, cum frequenti animi deliquio, palpitatione cordis, nausea, vomitu, singultu delirio. Si cruor & ramenta reliquis excrementis misceantur, vlcus est in tenuibus intestinis, sin supernatent, in crassioribus. Insuper si dolor sit supra vmbilicum acutior, illud est in tenuibus, sin verò infra & obtusior, in crassioribus, licet hoc signum fallax esse possit. Noxius humor suo se prodit colore flauo, aut nigro, aut albo & spumoso. Talibus signis dysenteria distinguitur ab alijs alui profluuijs, vt à henteriâ, quâ cibus nihil aut parum immutatus, à diarrhæâ, quâ bilis, aut pituita, aut melancholicus humor, à coeliacâ passione, quâ chylus, & à syntectico fluore, quo fusus adeps absque vlcere, sanguine ac torminibus excernitur.

MNI quidem ætati calamitosa est dysenteria, maximè verò puerili ac senili. Inter anni tempestates, si hyems siccâ sit & aquilonia, ver pluuiosum & australe, ætate dysenteria corripit mulieres & viros naturâ humidiores. Contrâ si australis & pluuiosa sit hyems, ver siccum & aquilonium, dysenteria pituitosis mulieribus accidit, quæ, si grauidæ sint, abortiunt, aut citius pariunt, partulque ipsas aliquando liberat. Periculosus est vlcus in tenui quàm in crasso intestino, & in ieiunio quàm in quouis alio. Si dysenteria laboranti caruncula deiciantur, mortiferum. Excrementa alui nigra pessima, si talia sint ab atrâ bile cæteris excrementis admixtâ. Vomitus biliosus, fastidiumque cibi mala sunt signa. Lienosis dysenteria prodest. Si intempestiue supprimatur, vel in lateribus atque viceribus, vel in articulis abscessum facit.

DYSENTERIA sanatur diætâ, Chirurgiâ & Pharmaciâ. Victus esto refrigerans & astringens sine acrimoniâ, fâlsedine & aciditate. Sanguis repetitâ basilicæ venæ sectione reuellatur, nec ab eâ prohibear ætas, hyems, grauiditas. Cacoehymia purgetur sapius cum rheo & myrobalanis. Detergeatur vlcus tenuis intestini assumptis quidem, crassi verò iniectis medicamentis. Siccetur & ad cicatricem perducatur astringentibus. Interim sedetur dolor anodynjs, vt lacte. Prouocetur somnus etiam narcoticis, vt theriacâ recenti, pilulis de cynoglossò, syrupo papaueris albi, diacodio. Nec omitantur alexipharmaca, vt theriaca, mithridarium, confectio de hyacinth. & alia, vbi adest malignitas atque contagiosa est dysenteria. Valeant diuretica, procul hidrotica quæ suo insigni calore atque suâ permeabili *ἀπορροία* excalfaciunt, fundunt, fecernunt. Absint denique vehementia cathartica, vt scammonium, colocynthis & ex his composita medicamenta, quæ ferociores reddunt humores & febrem adaugent. Sola conueniunt benigna, quæ adstringendo purgant. Paucis dicam. Omnibus morbis ex cacoehymia debetur purgatio, dysenteria est morbus ex cacoehymia.

Ergo Dysenteria purgatio.

Proponebat Andegavi, IONNES DV VAL Pontefianus, Anno R. S. H. M. DC. LI.

ANDEGAVI, Apud PETRVM AVRIL, Regis & Vniuersitatis Typographum,

